



Broj: 27-05-9791/17
Sarajevo, 19.04.2017. godine

SKUPŠTINA KANTONA SARAJEVO

- OVDJE -

PREDMET: Odgovor na zastupničko pitanje - dostavlja se
Veza: Vaš akt br.:01-05-9791/17 od 24.03.2017.godine

U skladu sa Vašim dopisom, broj i datum gore navedeno, a vezano za zastupničko pitanje zastupnice Selme Filipović kojim se traži odgovor dali Vlada Kantona Sarajevo planira nabavku krematorija za potrebe pružanja usluga kremiranja građanima Kantona Sarajevo, dostavljamo Vam sljedeći odgovor:

Ministarstvo komunalne privrede i infrastrukture Kantona Sarajevo je pripremiло novu Uredbu o upravljanju i održavanju grobalja i obavljanju pogrebnih djelatnosti, međutim za provođenje navedene Uredbe potrebno je obezbijediti sredstva u Budžetu Kantona Sarajevo i to:

1. Sredstva od 4.500.000,00 KM za opremanje i stavljanje u funkciju mrtvačnice. Pripremljenost izgradnje mrtvačnice je na nivou izrađenog glavnog-izvedbenog projekta sa izdatim odobrenjem za gradnju.
2. Za realizaciju Uredbe u segmentu kremiranja potrebno je obezbijediti sredstva u iznosu od 1.200.000,00 KM. Pripremljenost izgradnje kremiranja je na nivou izrađenog glavnog - izvedbenog projekta za čiju realizaciju je potrebno izvršiti izmjene i dopune regulacionog plana u groblju Vlakovo.

Bitno je napomenuti da je Dopunskom presudom broj: U-21/09 od 21.10.2015. godine, koju je donio Ustavni sud Federacije Bosne i Hercegovine, stavljen je van snage Zakon o komunalnim djelatnostima ("Službene novine Federacije Kantona Sarajevo", br.: 31/14, 21/05 i 36/14) zbog povrede prava Grada Sarajevo na lokalnu samoupravu. Naime, Zakonom o principima lokalne samouprave u Federaciji Bosne i Hercegovine, između ostalog, propisano je da u vlastitu nadležnosti jedinice lokalne samouprave posebno spada upravljanje, finansiranje i unapređenje djelatnosti i objekata lokalne komunalne infrastrukture-gradska groblja. S tim u vezi, Zakon o



komunalnim djelatnostima ("Službene novine kantona Sarajevo", broj:14/16, 43/16 i 10/17-Ispravka) je na snazi do donošenja Zakona o lokalnoj samoupravi koji je osnov za donošenje, odnosno usklađivanje Zakona o komunalnim djelatnostima, kojim će se utvrditi nadležnost za upravljanje, finansiranje i unapređenje djelatnosti i objekata komunalne infrastrukture.

S poštovanjem,



Dostaviti:

- ① Naslovu;
2. Stručna Služba Vlade Kantona Sarajevo- na znanje;
3. Evidencija;
4. a/a.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax:+ 387 (0) 33 562-177
Sarajevo, Reisa Džemaludina Čauševića 1

